

Alunan gamelan kontemporari dari Agung Beat UMS mengasyikkan

UB 27/10/2011 BH

Oleh **CLARICE USOP**
Kilalis_87@yahoo.com.my

PERSEMBAHAN Agung Beat dari Universiti Malaysia Sabah (UMS) pasti memukau para penonton apabila muzik tradisional dan moden dialun dan disatukan menjadi irama indah.

Keistimewaan muzik ini adalah apabila gamelan dimainkan dalam gaya berbeza, bertenaga dan moden serta menyelitkan konsep rhythmic ditambah dengan alunan suara bekas juara realiti hiburan Passport TV3 1999, Dayang Noraini pasti memukau pendengar.

Menurut Pengasas dan Pengarah Muzik Agung Beat, Roslee Wahid, kumpulan ini dianggotai 10 hingga 14 ahli gemalan, pemain gitar, bass, percussions dan vokalis

yang ditubuhkan pada tahun lalu.

“Kumpulan ini memainkan muzik gamelan tradisional, gabungan gaya tradisional dan Barat, Jazz Fusion dan rock,” katanya.

Bukan hanya alunan muzik yang mengasyikkan, tapi juga penonton turut dihiburkan dengan tar-tarian dan vokal yang memukau disertai dengan instrumen moden seperti gitar bass.

Tambahnya, Agung Beat mengenegahkan irama kontemporari tradisional gamelan dan muzik etnik Sabah yang mana merupakan hasil daripada satu percubaan.

“Walaupun muzik ini berasal dari Indonesia, kami lebih kepada gamelan negara ini. Instrument kami dibuat dalam skala utama pentatonis dan bukan seperti skala Jawa,”



GAMELAN DAN JAZZ...kumpulan Agung Beat yang membuat persembahan di KK International Jazz Festival menggabungkan irama jazz dan alunan gamelan.

katanya.

Lebih menarik, apabila

kumpulan ini boleh memainkan beberapa

lagu tradisional Sabah yang popular dengan gaya



MANTAP... Kombinasi vokal Dayang dan alunan gamelan Agung Beat memukau.

persembahan tempatan dan tersendiri.

Apa yang lebih membanggakan, kumpulan ini pernah membuat dan menghadiri pelbagai persembahan seperti konsert dan majlis korporat.

Antaranya, pernah menyertai Festival Gamelan

Peringkat Antarabangsa di Terengganu 2010, KK International Jazz Festival 2011, Rainforest World Music Festival, Sarawak 2011, Mountain Music Festival 2011 di Kundasang dan konsert gambus oleh Lembaga Kebudayaan Sabah, 2010.